

باخيش:

من بئله دوشونورم، آشاغيدا كى يازيلار تكجه منيم شهريمه گۆره دئييل و بوتون اوخوجولاردا، من گۆرن دورومو اۆز شهرلر و كندلرينده گۆرورلر؛ آنجاق بو گۆرچكلرى طنز صورتده يازديم و اۆز وبلاگيمدا(آنايوردوم) يايديم و بير داها دا ايسته ديم كى بير بۆلگه سل دركى ده ياييلسين و بو افتخار اله گلدى كى اردبيل ده ياييلان ده يرلى "سايمان" اؤيرنجيسل درگيده چاپ اولونسون. بورادا ياييلان يازيدا "گۆيشهير"(شهرستان)، "خالبۆلگه"(ناحيه) و "ياشيل يورد"(استان) آدلاريني هر هانكى تورك ياشايان يئرلره چئويرسينز، مسأله فرق ائتمز!

سئچيلميش كويى-رايتملى كارىكاتورلار "اوتانماز" آداملارا گۆره ديرلر! چون من كيمي آداملار اوتانمازديرلار، كويى-رايتملى يايماق ايسته ديم!

آيدين

!

☑ نئچه ايل اولار كى هر ايل، بير ايكي هفته دن آرتيق "خالبۆلگه" ده قالايمميرم؛ هر دفة ده اورايا گئندنه اعصابيم قاتيشير.

گئچن آى، آخشام چاغى "گۆيشهير" ين اوتوبوسونا مينديم و آذربايجانين "ياشيل يورد" ونا سارى يولا دوشدوم؛ ائوى تيكيلميش شوپترميميز "شوماختر" ين اليني دالدان باغلاميشدير! ۴۰ نفرليك اوتوبوسلا، گيلان، قزوين و خالبۆلگه نين انيش يوكوشلاريني بئله گئديردى كى باغيرميميز چاتلاييردى!



آنجاق تاليشين گۆزل اورمانلاريني قارانليق ايچينده آشانان سونرا، گۆيشهير و خالبۆلگه يه يئتيشمك ايچين چوخ سئوينيرديم؛ آنجاق خالبۆلگه ده، گۆيشهير نين يولوندا حاليم توتولدو! يول دا كى تابلولار ايله توريستى يئرلر، بئله

تانیته دیریلیمیشدی یار: "غار یخگان" (بوزلوق کۆیولو یئرینه!)، "حمام سنگی" (داش حمامی یئرینه) و ...! بئله کی ائله بیلدیم یانلیش گلمیشم! ولی اورا خالبؤلگه ایدی و من گۆیشهرین یاخینلیغیندا بیلدیم!

☑ البته دندیگیم کیمی، ایلک دغه دئییلدی کی خالبؤلگه ده کی ائله ایشلری گۆروردوم، آنجاق بو دغه ایسته بیلدیم بیر مسؤول و سوروملونو یاخالایام! البته او گونلر "هفته دولت" ایدی و ایرانین بوتون یئرلرینده "مجلس پرسش و پاسخ" قورولوردو؛ گۆیشهر و خالبؤلگه ده، دا هابئله!

بیر گتجه قرار ایدی فرماندار، شهردار و گۆیشهرین باشقا سوروملولاری گلینلر و خالق ایله دانیشسینلار. من ده یاخشی فرصت تاپمیشدیم، نچه سورغو واریم ایدی. جلسه گۆیشهرین بؤیوک مچیدینده (مسجد) ایدی. یاشیل بوردلو و موغانلی فرماندار و کلانتر، شهردار و باشقا مسؤوللار گلیدیلر. انصافاً گۆیشهرلی جاوانلار اونلاردان، چوخلو سورغولار ائتدیلر و آشاغی-یوخاری محله نین قارشیلشماسی آز ایدی:

شهردار تکجه آرخ-مارخ دان دانیشیردی و دئییردی فیلان کوجه ده نچه دنه آغاج اکیب و جدول چکمیشیک؛ او "فاضلاب" چکمک گرکلیگینی دانیر و دئییردی: "تهرانین دا فاضلاب سیستمی یوخدور و اؤز ائوینیزده، بیر قویو وورون دا!"

کلانتر بو سورغونون قاباغیندا کی نئی گۆیشهر ده تیرگک و آدامس، ساققیزدان چوخ تاپیلیر، دوزگون جاواب تاپمادی! آنجاق فرماندار اونون یاردیمینا گلدی و دئدی: "آی گۆیشهرین هوشلو جاوانلاری، مگر بیلیمیرسینیز کی ایرانین هر بیر یئرینده اعتیاد موشکولو واردیر! بو جهانی بیر مشکل دیر(!) و بیز گرک فرهنگی و اشتغال بوللاریلا وارد اولاق، تا جاوانلاریمیز تیرگک چکمه سینلر." (سونرا بئله ائشیتدیم کی گۆیشهرین بؤیوک باغلارین بیریسینده ۲۰-۳۰ گۆیشهرلی گنج، بو سؤزلری مچیدین بلندگوسوندان ائشیدیب گولرکن، اله کی تیرگک میللرینی قالدیریریمیشلار و مسخره ائدیرمیشلر کی سورغولارینیزلا جاوابلارینیز باشینیزا ده یسین!) فرماندار کی بونو دئدی، من دئدیم آی ساغول. بو فرماندار فرهنگ و کولتوره علاقه سی وار و تا تندیر ایستی دیر، چۆرکیمی یاپمالیام؛

ائله اولدو کی من ده سورغولاریمی وئردیم کی اؤنملیلری بونلار ایدی:

۱- خالبؤلگه نین مهاجرت چتینلیگی قارشیسیندا نه ایشلر گۆروبسونوز؟
گۆیشهرلی بیلی یوردلولاری، ناسیل قایتاراجاقسینیز و نه ایشلر اونلارا یاراتمیشسینیز؟
تهرانین توپلومو بو یوز ایله، ۱۰۰مین دن یئتیشیب ۱۵میلیونا، آنجاق خالبؤلگه نین توپلومو ۱۵۰مین ده ثابت قالیدیر.

سبز "دانشگاه تهران" دا درس اوخویونا ایش وئره بیلیمیرسینیز، گۆیشهر ده "دانشگاه پیام نور" تیکمک، نه معناسی وار؟! ایسته بیرسینیز تیرگک چکن مهندس کشاورز یلرینیزه، مؤعتاد حسابدارلار قاتاسینیز؟

۲- گۆیشهرین تورک اوشاقلارینا، تورکو اؤیرتمک کیمین بوینونا دیر؟
و نئی گۆیشهرین توریستی قاینالارینی، فارسجا آدلارا چئویریسینیز؟

☑ فرماندار بو سورغولارا بئله جواب وئردی:



۱- « بیز کی ائله یه بیلیمیک تهرانی سئولنرین قباغینی آلاق و دئییه ک تهرانا گتتمه! مشکل مهاجرت، جهانی بیر مشکل دیر؛ ائله کی بیلیرسینیز بو مشکل اوروپا دا، دا واردیر! اوروپالیلار دا آمریکا قاپچیرلار! بیز زنجان-یاشیل یورد یولونو خالبؤلگه و گویشهر دن گئچیردیریک. بو باعیث اولاجاق خالبؤلگه "بن بست" و "کؤر" نقطه لیکدن چیخسین! گویشهرین آریچاییندا دا سد ووروروق! گویشهر ده شهرک صنعتی دوزه لینیر». (من ۷-۸ یاشیم ایدی، بو سؤزلری دئییردیلر!! من بیلیم بو شهرک صنعتی نی هانکی اینداستریال اینجینیر طراحلیق ائدیپ؟ احتمالاً همن موهندس کشاورزی کی شهردار اولوب!)

۲- « تورکو دیل مسله سینه گؤره بیز فقط ائله یه بیلیریک

سیز ایله تورکی دانیشاق دا!!! اله میز دن نه گلر؟ آی کیشی! "خاتمی" ده بئله ایشلری گؤره بیلیم، سن هایاندا سان آخی؟! سن دئییه ن تابلولار دا گرک فارسی دیلینه اولالاردا! بیر فارس گلسه بورایا، او نه بیلسین "بوزلوق" و "داش حامامی" و "ایستی سو" نه دیر لر؟ »

☑ فرماندار کی جوابلارینی وئردی من ده دئدیم: « البته بو سورغولار خاتمی دن ده اولونوب و او دا جاواب وئرمه ییب، من دئدیم شاید خاتمی نین اجرایی سیستمی "تاپ-داون" (Top-Down) سیستمینده دئییل و داون-تاپ سیستمینیز واردیر! ایندی گؤرورم نه "تاپ" نینیز بللی دیر و نه "داون" نینیز! من بو سورغولاری ائتدیم کی جماعتین قولاغینا بئله سورغولار دا یئتیشسین. »



☑ آشاغی دا کی سؤزلر، یوخاریداکی سؤزلر ایله ایلگیسی تکجه "اوتانماز" لیق قونوسوندا دیر؛ بونا گؤره یازیرام کی ، نئچه هفته بوندان اونجه ایلدیریم (ildirim.com) دا یازمیشدیم؛ آنجاق چون بیر آز ایتی، یئیین و ادبن اوزاق (!) ایدی، نئچه یازارلی اولان "ایلدیریم" دان بورایا گتیردیم تا آرادا سؤز اولماسین! و همده اردیبلده یاییلان "سایان" درگیسینین سایین اوخوجولاری، اردیبل آدی ایله اولان ایشلردن خبردار اولوب و فیدبک وئرمک فیکرینده اولسونلار:

والله بوگونلر باشیم بئله شولوقدورکی باشیمی دا قاشیبایلیمیرم و اوزوجودور کی ایلدیریم و حتی اؤز وبلاگیمدا بیر سؤز یازایلیمیرم! آنجاق بوگون بیر شئییه راست گلدیم کی پیشمیش تیووغون دا گولمکی گلیردی و منی مجبور ائدی ایلدیریم گلم و شاخام!!

سبزی تانیدیغینیز تانری و ایستدیگینیزه آند وئریم گنڊین اردبیل اوستانینین "آموزش و پرورش" سایتینین لینکرینه باخین. بو دا آدرسی دیر:

http://www.arta.medu.ir/orgtemp_page.aspx?idssel=10&no_sel=9

هئج سؤز دئمیرم. اؤزونوز قضاوت ائدین. نئییه اوتانیب یئره... لر آخی؟
اصلا بیر ایسته مه بیر اونلار تورک اؤیرنجیلر و چالیشقانلارینین سایتلار لا وبلاگلارینا باغلانتی وئرسینلر!
آنجاق خاتمی نین کؤهنه "گفتگوی تمدنها" بایراقی ایندی ده اردبیل و آذربایجانین باشقا بؤلگه لرینده
اسمکده دیر:

- یک سایت جالب کردی در زمینه IT
- مرجع سایتهای جالب کردی
- سایتی در باره شهر سنندج که شامل تاریخ و عکسهای قدیمی سنندج می باشد
- سایت اطلاع رسانی با میل رایگان کردی
- یک سایت کوردی با میل رایگان

آی آناوردومون خالقی! اوشاقلارینیزین اؤیرتیمینی کیملرین الینه وئرمیشسینیز آخی!؟

البته بونو دا آرتیریم ایندی بیلمیشم کی اورمییه و زنجان شهرلرینینده آموزش-پرورش سایتلاری اردبیلین سایتی
کیمی دیر و "وزارت آموزش و پرورش" اؤزو بونلاری طراحلیق ائدیب و یازیق اردبیللی لرین تقصیری یوخدور و
تقصیر بیزده ایمیش کی تئز بیلمه میشیک تا اردبیلده یاتانلارا فیدبک وئرک تا اونلار دا، تهرانداکیلارا فیدبک
وئرسینلر تا تهرانداکیلار دا بو فیدبکلی "اسرع وقت" ده بررسی ائتسینلر و...!؟

آیدین: ۱۳۸۳/مهر(گوزایلیکی)/۲۵، ۱۶ اکتبر ۲۰۰۴
E-Mail: celalkivi@publicist.com



Weblog: AnaYurdum.20m.com